
Lescha per promover la tgira da persunas malsaunas e l'assistenza da persunas attempadas e da persunas che basegnan tgira (Lescha per promover la tgira da persunas malsaunas)

Midada dals [Data]

Relaschs tangads da questa fatschenta (numers dal DG)

Nov:	–
Midà:	506.000
Aboli:	–

Il cussegl grond dal chantun Grischun,

sa basond sin l'art. 87 da la constituziun chantunala, suenter avair già invista da la missiva da la regenza dals ...,

concluda:

I.

Il relasch "Lescha per promover la tgira da persunas malsaunas e l'assistenza da persunas attempadas e da persunas che basegnan tgira (lescha per promover la tgira da persunas malsaunas)" DG [506.000](#) (versiun dals 01-01-2017) vegn midà sco suonda:

Art. 17 al. 2 (aboli)

² *aboli*

Art. 18f al. 3 (nov)

³ Ils imports, per ils quals las contribuziuns per prestaziuns d'utilitad publica vegnan reducidas en l'applicaziun da l'alineia 1 litera d, ston vegnir pajads proporziunalmain a quels ospitals che mettan a disposiziun in dumber pli grond da plazzas da scolaziun per professiuns en il sector da sanadad e dals fatgs socials che fixà da la regenza.

Art. 20 al. 3 (midà)

³ Suentar avair consultà las vischnancas po la regenza designar regiuns da planisaziun **ed attribuir las vischnancas a las regiuns da planisaziun.**

Art. 21 al. 5 (nov)

⁵ Mintga vischnanca d'ina regiun da planisaziun è obligada da sa participar a las contribuziuns d'investiziun tenor l'artitgel 21 alinea 1 per purschidas en lur regiun. La repartiziun vegn fatga tenor ina clav che sto vegnir determinada da las instituziuns responsablas e da las vischnancas.

Art. 21b al. 1 (midà), al. 2 (midà), al. 5 (nov), al. 6 (nov), al. 7 (nov)

¹ Per las chasas da persunas attempadas e da tgira e per las gruppas da tgira che vegnan menziunadas sin la glista da las chasas da tgira fixescha la regenza – ~~graduads tenor la dimensiun da las prestaziuns~~ – ils custs renconuschids e la participaziun maximala als custs ~~tras ils abitants~~ per:

- b) **(midà)** ils custs ~~da reparaziun e da renovaziun~~ **d'assistenza**;
- c) **(midà)** ils custs ~~d'assistenza~~ **da tgira.**
- d) *aboli*

² La basa per fixar ils custs renconuschids e la participaziun maximala dals abitants furma la media dals custs da las chasas da persunas attempadas e da tgira sco er da las gruppas da tgira che lavuran en moda economica e che han ina permissiun da manaschi senza cundiziuns, e quai tenor la calculaziun dals custs ~~da l'onn~~ **dals 3 onns** che ~~preceda~~ **precedan** l'onn dal conclus. Tar la fixaziun resguarda la regenza las midadas dals custs ch'èn vegnidas chaschunadas – cumpareglià cun ~~l'onn~~ **ils onns** da basa – da facturs exogens e da la chareschia.

⁵ En cas d'abitants che dovran extraordinariamain blera tgira u assistenza po la regenza renconuscher custs supplementars per la tgira e per l'assistenza. Il chantun surpiglia 25 pertschient e las vischnancas ch'èn obligadas da pajar contribuziuns tenor l'artitgel 21c alinea 4 surpiglian 75 pertschient dals custs supplementars. Quests custs dastgan vegnir mess a quint a las vischnancas pir suenter ch'il chantun ha approvà ils custs da tgira e d'assistenza supplementars cumprovads.

⁶ La regenza fixescha tge cas tenor l'alineia 5 che valan sco cas che dovran extraordinariamain blera tgira u assistenza.

⁷ La regenza po differenziar ils custs da pensiun renconuschids conform als dis da tgira che vegnan cumprovads da las chasas da persunas attempadas e da tgira per dimoras curtas e che servan a distgargiar persunas che assistan e tgeran lur confamigliars.

Art. 21f al. 2 (aboli)

² *aboli*

Art. 21g al. 2 (nov)

² Ils imports, per ils quals las contribuziuns per prestaziuns d'utilitad publica vegnan reducidas en applicaziun da l'alinea 1 litera f, ston vegnir pajads proporziunalmain a quellas chasa da persunas attempadas e da tgira che mettan a disposiziun in dumber pli grond da plazzas da scolaziun per professiuns en il sector da sanadad e dals fatgs socials che fixà da la regenza.

Art. 31 al. 5 (nov)

⁵ Sunter avair consultà las vischnancas po la regenza designar regiuns da planisaziun ed attribuir las vischnancas a las regiuns da planisaziun.

Art. 31c al. 3 (midà)

³ La basa per fixar las contribuziuns che sa drizzan tenor la prestaziun èn las datas dals custs e da las prestaziuns da la calculaziun dals custs dals servetschs economics che han ina permissiun da manaschi senza cundiziuns, e però las datas **dals 3 onns** che ~~preceda~~**precedan** l'onn dal conclus. Tar la fixaziun resguarda la regenza las midadas dals custs ch'èn vegnidas chaschunadas – cumpareglià cun l'onn da basa – da facturs exogens e da la chareschia.

Art. 31d al. 1 (midà), al. 5 (nov)

2. servetschs senza ina incarica da prestaziun communal e tgerunzas diplomadas ~~reneonuschidas~~**admessas (Titel midà)**

¹ Il chantun e las vischnancas concedan als servetschs da la tgira ed assistenza a chasa senza ina incarica da prestaziun communal e a las tgerunzas diplomadas ~~reneonuschidas~~, **che dastgan exequir lur activitad a quint da l'assicuranza obligatorica per la tgira da persunas malsaunas**, contribuziuns che sa drizzan tenor la prestaziun per:

Enumeraziun senza midadas.

⁵ Tgerunzas diplomadas dastgan exequir activitads a quint da l'assicuranza obligatorica per la tgira da persunas malsaunas, sch'ellas:

- a) disponan d'in concept da tgira e d'assistenza;
- b) èn cuntanschibels per telefon ils lavurdis durant almain 5 uras;
- c) han reglà lur substituziun durant las vacanzas e durant autras absenzas;

-
- d) garantesch ch'in servetsch da pichet da 24 uras vegnia mess a disposiziun a curta vista per clients, tar ils quals i sto vegnir fatg quint cun ina situaziun da crisa.

Art. 31f al. 2 (nov)

² Ils imports, per ils quals las contribuziuns per prestaziuns d'utilitad publica vegnan reducidas en applicaziun da l'alineia 1 litera g, ston vegnir pajads proporziunalmain a quels servetschs che mettan a disposiziun in dumber pli grond da plazzas da scolaziun per professiuns en il sector da sanadad e dals fatgs socials che fixà da la regenza.

II.

Naginas midadas en auters relaschs.

III.

Naginas aboliziuns d'auters relaschs.

IV.

Questa revisiun parziala è suttamessa al referendum facultativ.

La regenza fixescha il termin da l'entrada en vigur.